

ტაშისკარი-ქვიშხეთის დამაკავშირებელი საავტომობილო გზის რეაბილიტაცია ზაფხულში დასრულდება

12 მაისი 2021

ხაშურის მუნიციპალიტეტში სოფელ ტაშისკარიდან ქვიშხეთამდე მისასვლელი გზის სარეაბილიტაციო სამუშაოები აქტიურ რეჟიმში მიმდინარეობს. პროექტის ფარგლებში დაგეგმილია ასფალტის საფარის დაგება, სანიაღვრე სისტემის მონყობა და საგზაო მონიშვნა. სამუშაოები ადგილობრივი ბიუჯეტიდან დაფინანსდა და ჯამში ერთ მილიონ ლარზე მეტი ჯდება.

გზის სარეაბილიტაციო სამუშაოებს შიდა ქართლის სახელმწიფო რწმუნებული მამუკა სალარეიშვილი, რწმუნებულის პირველ მოადგილესთან სიმონ გულედანთან და ადგილობრივი თვითმმართველობის წარმომადგენლებთან ერთად გაეცნო. რწმუნებულის თქმით, პროექტი ზაფხულში დასრულდება და შედეგად 3 200 გრძივი მეტრის საგზაო ინფრასტრუქტურა მონყსრიგდება. „ტაშისკარი და ქვიშხეთი შიდა ქართლის რეგიონის მნიშვნელოვანი საკურორტო ზონებია, ზაფხული მოდის და შესაბამისად, დამსვენებლების რაოდენობაც გაიზრდება. საგზაო ინფრასტრუქტურის მონყსრიგება ხელს შეუწყობს როგორც ადგილობრივების, ისე ტურისტების კომფორტულ გადაადგილებას.“- აღნიშნა მამუკა სალარეიშვილმა.